



Yãmb sã n na n puuse, bi y tãeg y saf-rãmbã turga, rã poorã bi y yãk y ned ti yi limaam, a sã n yeele: "Allaahu Akbaru

Yii a Hittaan [bn Abdullaah Ar-raakaasy nengã, a yeelame: mam puusa ne a Abuu Muusa Al-as'ary Puusg ninga, la a sãn wa n be zĩndigã zĩigã wã, n na n maan sahdã, la ned sãn zĩnd nebã suka n yeele: " b tõka Puusgã ne manegr la Zaka Alkurãanã pugã". La a Abuu Muusa sãn wa n se Puusgã n ning sallemã, a wãnegame n yeele: " yaa ãna la sãn yeel gomdã woto la woto wã?" Ti nebã sĩnda. T'a leb n yeele:"yaa ãna la sãn yeel gomdã woto la woto wã?" Ti nebã le sĩndi. T'a Abuu Muusa yeele: " Tõeeme ti yaa foom la sãn yeelã Hittaane". T'a Hittaan yeele:" mam ka yeel-a ye, la mam ra yeesdame ti fo na n rik-a lame n rolg maam". Ti ned zĩnd nebã suk n yeele: "yaa maam la sãn yeel-a wã, la mam rag n ka rate rãnda neer bala". T'a Abuu Muusa yeele: "Yãmb ka mi bũmb ning yãmb sãn yet Puusgã pugã laa? Ad Wënd Tãn-tuumã (Wënd puusg la A tigr be a yĩnga) a goma ne tõndo, n vãneg tõnd d na-kẽndrã n kã-do la a wilg tõnd d Puusgã, n yeele: «Yãmb sã n na n puuse, bi y tãeg y saf-rãmbã turga, rã poorã bi y yãk y ned ti yi limaam, a sã n yeele: "Allaahu Akbaru" bi yãmb me yeele: " Allahu akbaru". A sã n yeele: {Şiraatall-lazuna an-‘amta ‘alayhim gayril-magduubi ‘alayhim wala-đđaaallun (La pa Nasar-dãmba la Yahuud-rãmba sor ye)} [Suuratu Al-faatıha : 7], bi y yeel: "Aamiina". Ti Wënd reegda y yĩnga. A sã n yeele Allaahu Akbaru n maan Rukuu, bi yãmb me yeel Allaah akbaru n maan Rukuu wã. Bala limaamã a rengda yãmb n zõondã, la a leb n reng yãmb n rooge, ti Wënd Tãn-tuumã (Wënd puusg la A tigr be a yĩnga) yeele: "rënd wãnde yaa wa wãnde". la a sã n yeele: «Sami‘a Allah luman hamıdah», bi y yeele: "Allahumma Rabbanaa wa lakal-hamdu", ti Wënd wumda y yĩnga. Bala Wënd, (A Naam yulgame n zãke), A yeelame, sãn tũ ne A Nabiyaamã zelemde, (Wënd puusg la A tigr be a yĩnga): «Sami‘a Allah luman hamıdah» (Wënd wuma ned ning sãn pãg-A, la a sã yeel Allaahu Akbaru n maan Suguudu, bi yãmb me yeel Allaahu akbaru n maan Suguudu, bala limaamã a rengda yãmb n sulgi la a reng yãmb n rooge, ti Wënd Tãn-tuumã (Wënd puusg la A tigr be a yĩnga) yeele: "rënd zĩ-kãngã maanegã yãmb me maanda maan-kãngã", la a sã n be zĩndigã wã bi yãmb rãenem koeg yi: Attahu yaatu, aţţaybaatu, aşşalawaatu lillaahu, Assalaamu Alayka Ayyuhannabiyyu wa rahmatullaah wabarakaatuhuu, Assalaamu ‘Alaynaa, wa ‘alaa ‘ibaadullaah Aşşaalıhuna, Aşhadu an laa'ulaaha ulallaah, wa Aşhadu Anna Muhammadan ‘Abduhuu Warasuuluhuu, (m maanda kaseto ti soab sãn na n tũ n tigr ka be ti sã n ka Wënd, la m maanda kaset t'a Muhammad yaa Wënd yamba la A Tãn-tuumã)».

Şahaabga a Abuu Muusa Al-as'ary (Wënd yard be a yīnga) a puusa Puusg ninga, a sēn wa n be zīndigā zīigē wā, b sēn maandē sahdā, la ned sēn zīnd poorē wā n yeele: "b tōka Puusgā ne manegr la Zak Alkurāanā pugē". La a Abuu Muusa sēn wa n se Puusgā, a togl puusdbā n sok-ba: "yaa āna la sēn yeel ti b tōka Puusgā ne manegr la Zak Alkurāanā pugē wā?! Ti nebā sīnda, ned baa a yembr ka gom ye, t'a leb n yulem sokrā, rēnd ned baa a yembr sēn ka loekā, la a Abuu Muusa sēn yeele: " Tōeeme ti yaa foom la sēn yeelā a Hittaane". Bala a yaa a pēt-n-taaga la a tōk-n-taaga, rēnd a Abuu Muusa rōdb pa namsd-a ye, la yaa sēn na yl ti ned ning sēn maanā hakukā sak n reeg a zugē ti yaa yē, rēnd a Hittaane kusame t'a ka yeel ye, la a yeele: "la mam ra yeesdame ti fo na n sābsa maam n tēed ti yaa maam n yeele. Ti ned zīnd nebā suk n yeele: "yaa maam la sēn yeel-a wā, la mam rag n ka rate rēnda neer bala". T'a Abuu Muusa yeele, n na n wilg-ba: "Yāmb ka mi būmb ning yāmb sēn yet Puusgā pugē laa?" Wānde yaa b halhaalā kusgo, n neē ti woto rag n ka sōmb n yl ye, rē poorē t'a Muusa togs-ba ti Nabiyaamā (Wënd puusg la A tilgr be a yīnga) a goma ne bāmbā raar a yembre, n vēneg n wilg bāmbā b sāri wā la a karem bāmbā b Puusgā sēn yet to-to, n yeele, (Wënd puusg la A tilgr be a yīnga): "Yāmb sā n na n puuse, bi y tēeg y saf-rāmbā turga, rē poorē bi ned zīnd yāmb sukā n puus-ya, rēnd limaamā sā n yeele: "Allaahu Akbaru", ninga sēn kēed Puusgā ne-a wā, bi yāmb me yeele: " Allaahu akbaru" wala a sēn yetā. A sā n karem Alhamdā n wa tāag: {Şuraatall-lazuuna an-‘amta ‘alayhim gayril-magduubi ‘alayhim wala-dḍaallun (La pa Nasar-dāmba la Yahuud-rāmba sor ye)} [Suuratu Al-faatḥa : 7], bi y yeel: "Aamiin". rēnd yāmb sā n maan woto, Wënd reegda y kosgā la y tūudmā. A sā n yeele "Allaahu Akbaru" n maan Rukuu, yāmb me yeel Allaah akbaru n maan Rukuu wā. Bala limaamā a rengda yāmb n zōonde, la a leb n reng yāmb n rooge, bi y ra yāg ye, bala wakat ning limmamā sēn reng yāmb n maan Rukuu wā, yaoogda yāmba ti y paam n yaoolg ruukuu wā, a sēn roogā poorē bilfu, rēnd reng-kānga rolb la yaool-kāngā, ti yāmb rukuu wā woglem lebg wala yē rukuu wā woglem. La limaamā sā n yeele: «Sami‘a Allah luman hamidah», bi y yeele: "Allahumma Rabbanaa wa lakal-hamdu". Rēnd puusdbā sā n yeel woto, ad Wēnde, (A Naam yilgame), A wumda b kosgā la b koεεgā. Bala Wēnde, (A Naam yilgame n zēke), A yeelame, sēn tū ne A Nabiyaamā zelemde: «Sami‘a Allah luman hamidah» (Wënd wuma ned ning sēn pēg-A, la limaamā sā n yeel Allaahu Akbaru n maan Suguudu, bi sēn be-b poorē wā me yeel Allaahu akbaru n maan Suguudu, bala limaamā a rengda bāmb n sulgi la a reng bāmb n rooge, rēnd zī-kāngā maanegā bāmb me maanda maan-kāngā, ti limaamā suguudā woglemā me yl wala maa'muun-rāmbā suguudā woglem, rēnd a sā n wa be zīndigē wā, n na n maan sahdā, bi puusdā rēnem koεεg yl: Attahu yaatu, aṭṭaybaatu, aṣṣalawaatu lillaahu, Assalaamu ‘Alayka Ayyuhannabiiyu wa rahmatullaah wabarakaatuhuu, ‘Assalaamu ‘Alaynaa, wa ‘alaa ‘tbaadullaah Aṣṣaalḥuna, Aṣḥadu an laa'ulaaha illallaah, wa Aṣḥadu Anna Muhammadan ‘Abduhuu Warasuluhuu, (Puus-rāmb sēn yaa yilgemd be ne Wēnde, rēnd Naamā la Kelgā la Zislemā, fāa sōmba ne Wēnd A Yembre, woto bala Puus-rāmb a nu wā gilli, yaa Wēnd A Ye yīnga. Bi y kos laafu n yi zang la boogr la sāang fāa, ad tōnd welga d Nabiyaamā a Muhammad (Wënd puusg la A tilgr be a yīnga) ne puusg la tilgre, rē poorē ti d puus d mense, rē poorē ti d puus Wēnd yemb sōmsā, sēn yas ne būmb ning sēn yaa tilae n zao b zugā, sēn yaa Wēnd hake-rāmbā, la A yembsā hake-rāmbā, rē poorē, d manda kaseto ti soab sēn na n tū n tilg ka be ti sā n ka Wēnde, la d maanda kaset t'a Muhammad yaa Wēnd yamba la A Tēn-tuuma.

النجاة الخيرية
ALNAJAT CHARITY

